

七十二家集

沈隱侯集卷之五

梁吳興沈約休文著

明閩漳張爕紹和纂

詩

侍遊方山應詔

清漢夜昭晷扶桑曉陸離發歌擬陽下

一作鏐吹垂楊

下建羽朝夕池撝金浮水若聳蹕詔山祇一霑

九霄露藜藿終自知

樂將殫恩未已應詔

婁鏘笙管迺參差舞行亂輕肩旣屢舉長巾亦
徐換雲鬢垂寶花輕粧染微汗羣臣醉又飽聖
恩猶未半

泛永嘉江

長枝萌紫葉清源泛綠苔山光浮水至春色犯
寒來臨睨信永矣望美曖悠哉寄言幽閨妾羅
袖勿空裁

餞謝文學離夜

漢池水如帶巫山雲似蓋潯汨背吳潮潺湲橫

楚瀨一望沮漳水
寧思江海會
以我徑寸心
從君千里外

謝眺答沈右率諸君餞別附

春夜別清樽
江潭復爲客
歎息東流水
如何故鄉陌
重樹日芬蓋
芳洲轉如積
望望荊臺下
歸夢相思夕

別范安成

生平少年日
分手易前期
及爾同衰暮
非復別離時
勿言一樽酒
明日難重持
夢中不識路
何

以慰相思

效古

可憐桂樹枝單雄憶故雌歲暮異栖宿春至猶
別離山河隔長路路遠絕容儀豈云無可玉臺作我
匹寸心終不移

庭雨應詔

出空窻可圖入庭倍難賦非煙復非雲如絲復
如霧霰霖裁欲垂霏微不能注雖無千金質聊
爲一辰趣

初春

夾道覓陽春相將其攜手草色猶自腓
林中都未有無事逐梅花空教信楊柳
且復其歸來含情寄杯酒

春思

楊柳亂如絲綺羅不自持春草黃復綠
客心傷此時青苔已結洧碧水復盈淇
日華照趙瑟風色動燕姬襟前萬行淚
故是一相思

傷春

弱草半抽黃輕條未全綠年芳被禁籞煙花繞
層曲寒苔卷復舒冬泉斷方續早花散凝金初
露滋成玉

秋夜

月落宵向分紫煙鬱氛氲暄螢入霧離離鴈
度雲巴童暗理瑟漢女夜縫裙新知樂如是久
要豈相聞

同詠樂器

詠簾

江南簫管地妙響發孫枝殷勤寄玉指含情舉
復垂雕梁再三繞輕塵四五移曲中有深意丹
誠君詎知

謝朓詠琴附

洞庭風雨幹龍門生死枝雕刻紛布濩冲響
鬱青卮春風搖蕙草秋月滿華池是時操別
鶴淫淫客淚垂

王融詠琵琶附

抱月如可明懷風殊復清絲中傳意緒花裏

寄春情掩抑有奇態悽鏘多好聲芳袖幸時
拂龍門空自生

同詠坐上玩器

詠竹檳榔盤

梢風有勁質柔用道非一平織方以文穹成圓
且密薦羞雖百品所貴浮天實幸承歡醕餘寧
辭嘉宴畢

謝朓詠烏皮隱几附

蟠木生附枝刻削豈無施取則龍文鼎三趾

獻光儀勿言素葦潔白沙尚推移曲躬奉微
用聊承終宴疲

簷前竹

萌開籜已垂結葉始成枝繁蔭上蒼茸促節下
離離風動露滴瀝月照影參差得生君戶牖不
願夾華池

翫庭柳

輕陰拂建章夾道連未央因風結復解霑露柔
且長楚妃思欲絕班女淚成行遊人未應去爲

此還故鄉

麥李

青玉冠西海碧石彌外區化爲中國實其下成
路衢在先良足貴因小邈難逾色潤房陵縹昧
奪寒水朱摘持欲以獻尚食且踟躕

詠桃

風來吹葉動風去畏花傷紅英已照灼况復含
日光歌童暗理曲游女夜縫裳詎臧當春淚能
斷思人腸

詠青苔

緣階已漠漠
汎水復綿綿
微根如欲斷
輕絲似更聯
長風隱細草
深堂沒綺錢
縈鬱無人贈
歲華徒可憐

十詠二首

領邊繡

纖手製新奇
刺作可憐儀
縈絲飛鳳子
結縷坐花兒
不聲如動吹
無風自裏枝
麗色儻未歇
聊承雲鬢垂

沙隱集 卷五
脚履

丹墀上颺桂玉殿下趨鏘逆轉珠珮響先表繡
桂香裾開臨舞席袖拂繞歌堂所歎忘懷妾見
委入羅牀

懷舊詩九首

傷王融

元長秉奇調弱冠慕前蹤眷言懷祖武一簣望
成峰途艱行易跌命舛志難逢折風落迅羽流
恨滿青松

傷謝朓

吏部信才傑文鋒振奇響調與金石諧思逐風
雲上豈言陵霜質忽隨人事往尺璧爾何冤一
旦同丘壤

傷庾杲之

左率馥時譽秀出冠朋僚聳茲千仞氣振此百
尋條蘊藉含文雅散朗溢風飈楸櫟今已合容
範尚昭昭

傷王湛

長史體閒任坦蕩無外求持身非詭遇應物有
虛舟心從朋好盡形爲歡宴留歡宴未終畢零
落委山丘

傷虞炎

東南旣擅美洛陽復稱才攜手同歡宴比跡共
遊陪事隨短秀落言歸長夜臺

傷李珪之

少府懷貞節忘軀濟所奉吏道勤不息繁文長
自擁旣闕優孟歌身沒誰爲寵

傷韋景猷

韋叟識前載博物備戎華稅驂止營校淪跡委
泥沙始知庸聽局方悟大音賒

傷劉渢

處和無近累天然有勝質蕭瑟負高情耿介懷
秋實義貴良爲重蘭摧非所恤一罷平生言寧
知攜手日

傷胡諧之

豫州懷風範綽然標雅度處約志不渝接廣情

無忤頡頏事刀筆紛綸遞朱素美志同山阿浮
年迫朝露

詠新荷應詔

勿言草卉賤幸宅天池中微根纔出浪短幹未
搖風寧知寸心裏蓄紫復含紅

聽蟬鳴應詔

輕生宅園籟復得棲嘉樹豈敢擅洪枝輕條遭
所遇葉密形易揚風迴響難住

詠笙

彼美實枯枝孤條定參差
鵲已鳴嘶
棗下復
林離本期王子宴
寧待洛濱吹

詠箏

秦箏吐絕調
玉柱揚清曲
絃依高張斷
聲隨妙指
續徒聞音繞梁
寧知顏如玉

詠山榴

靈園同佳稱
幽山有奇質
停采久彌鮮
含華豈期實
長願微名隱
無使孤株出

大言應令

臨此大沕庭方知九垓局窮天豈彌指盡地不
容足

昭明太子大言附

觀脩鵠其若轍鮒視滄海之如濫觴經二儀
而跼蹐跨六合以翱翔

細言應令

開館尺捶餘築榭微塵裏蝸角列州縣毫端建
朝市

又細言附

坐卧鄰空塵憑附
燕翼越咫尺而三秋度
毫釐而九息

詠餘雪

陰庭覆素芷
南階褰綠施
玉臺新落構
青山已半虧

詠帳

甲帳垂和璧
螭雲張桂宮
隋珠旣吐曜
翠被復含風

侍宴詠反舌

假容不足觀遺音猶可薦幸蒙喬樹恩得以聞
高殿

寒松

梢聳振寒聲青葱標暮色疎葉望嶺齊喬榦臨
雲直

詠孤桐

龍門百尺時

一作時

排雲少孤立分根蔭玉池欲

待高鸞集

詠梧桐

秋還遽已落春曉猶未萸微葉雖可賤一剪或
成珪

園橘

綠葉迎露滋朱苞待霜潤但令入玉枰金衣非
所恡

詠梨應詔

大谷來旣重岷山道又難摧折非所恡但令入
玉盤

西地梨

詩彙作
簡文非

列茂河陽苑蓄紫濫觴隈翻黃秋沃若落葉春
徘徊

詠芙蓉

微風搖紫葉輕露拂朱房中池所以綠待我泛
紅光

詠杜若

生在窮絕地豈與世相親不顧逢采擷本欲芳
幽人

詠鹿葱

野馬不任騎
兔絲不任織
旣非中野花
無堪麋
鹿食

甘蕉

抽葉固盈丈
擢本信兼圍
流甘拊柳實
弱縷冠
絳衣

詠菰

結根布洲渚
垂葉蒲臯澤
匪彼露葵羹
可以留
上客

早行逢故人車中爲贈

殘朱猶曖曖餘粉尚霏霏
昨宵何處宿今晨拂露歸

爲鄰人有懷不至

影逐斜月來香隨遠風入
言是定知非欲笑翻成泣

阻雪連句

初昕逸翮舉日晏驚馬疲
幽山有桂樹歲暮方參差

和劉中書仙詩二首

清旦發玄洲日暮宿丹丘
崑山西北映流泉東海
流霓裳拂流電雲車委
輕霞崢嶸上不覩寥廓
下無見

殊庭不可及風燂多異色
霞衣不待縫雲錦不須
織

華山館爲國家營功德

沐芳禱靈嶽稽首恭上玄
帝昔祈萬壽臣今請億
年丹方緘洞府河清時
一傳錦書飛雲字玉簡
黃金編

和王衛軍解講

妙輪輟往駕寶樹未開音
甘露爲誰演得一標
道心耿耿玄塗曠高義
總成林七花屏塵相入
解濯芳襟

侍宴謝朓宅餞東歸應制

皇情悵東甌羽旆拂南廔
夏雲清朝景秋風揚
早蟬飲和陪下席論道光
上筵

酬孔通直過懷蓬居

閭闔旣洞啓龍樓亦高闢
兩宮集鸞步二關引

還籍伊爾事清途紛吾供賤役

石塘瀨聽猿

噉噉夜猿鳴溶溶晨霧合不知聲遠近惟見山
重沓旣歡東嶺唱復佇西巖答

出重圍和傅昭

魯連揚一策陳平出六奇邯鄲風雨散白登煙
霧維排雲出九地陵定振五卮

秋晨羈怨望海思歸

分空臨澥霧披遠望滄流八桂驟如畫三桑眇

若浮煙極希卅水月遠望青丘

侍宴樂游苑餞徐州刺史應詔

沃若動龍驂參差凝鳳管金塘草未合玉池泉
將滿

懋郊園和約法師採藥

郭外三千畝欲以貿朝饘繁蔬旣綺布密菓亦
星懸

四城門老

六龍旣驚軫二鼠復馳光衰齡難慎輔暮質易

傷

上巳華光殿

七言

於維盛世卽軒嬀朝
艷宴鎬復在斯朝
光灼爍映蘭池
春風婉轉入細枝
時鸛顧慕聲合離
輕波微動淦羽卮
河宗海若生蛟螭
浮梁徑度跨迴漪
朱顏始洽景將移
安得壯士駐奔曦

六憶詩四首

以下
裸言

憶來時灼灼上堦墀
勤勤叙別離
慊慊道相思
相看常不足
相見乃忘饑

憶坐時點點羅帳前或歌四五曲或弄兩三絃
笑時應無比嗔時更可憐

憶食時臨盤動容色欲坐復羞坐欲食復羞食
含哺如不饑擎甌似無力

憶眠時人眠彊未眠解羅不待勸就枕更須牽
復恐傍人見嬌羞在燭前

八詠詩

登臺望秋月

望秋月秋月光如練照曜三爵臺徘徊九華殿

九華琬琰梁華榱與璧璫以茲雕麗色持照明
月光凝華入黼帳清輝懸洞房先過飛燕戶却
睽班姬牀桂宮裊裊落桂枝早寒淒淒凝白露
上林晚葉颯颯鳴鴈門早鴻離離度湛秀質兮
似規委清光兮如素照愁軒之蓬髮影金堦之
輕步居人臨此笑以歌別客對之傷且慕經衰
圃映寒叢凝清夜帶秋風隨庭雪以偕素與池
荷而共紅臨玉墀之皎皎含霜靄之濛濛囑天
衢而徙度轢長漢而飛空隱巖崖而半出隔帷

幌而纔通散朱庭之奕奕入青瑣而玲瓏寒階
悲寡鶴沙洲怨別鴻文姬泣胡殿昭君思漢宮
余亦何爲者淹留此山東

會園臨東風

臨春風春風起春樹遊絲暖如網落花零似霧
先泛天淵池還過細柳枝蝶逢飛搖颺燕值羽
差池揚桂旆動芝蓋開燕裾吹趙帶趙帶飛參
差燕裾合且離迴簪復轉黛顧步惜容儀容儀
已灼灼春風復迴薄氛氲桃李花青耐含素萼

既爲風所開復爲風所落搖綠蒂抗紫莖舞春
雪襍流鶯出房開兮金鋪響金鋪響兮妾思驚
梧臺未陰淇川始碧迎行雨於高唐送歸鴻於
碣石經洞房響繞素感幽閨思惟鬱想芳園兮
可以遊念蘭翹兮漸堪摘拂明鏡之冬塵解羅
衣之秋襪旣鏗鏘以動佩又綢繆而流射始搖
蕩以入閨終徘徊而緣隙鳴珠簾於綉戶散芳
塵於綺牀是時悵思歸安能久行役佳人不在
茲春風誰爲惜

歲暮愍衰草

愍衰草衰草無容色憔悴荒逕中寒夢不可識
昔時兮春日昔日兮春風銜花兮佩實垂綠兮
散紅氛氤鵲鵲右照曜望仙東送歸顧慕泣淇
水嘉客淹留懷上官巖陬兮海岸冰多兮霰積
爛熳兮巖根攢幽兮石隙布綿密於寒臯吐纖
疎於危石旣惆悵於君子倍傷心於行役露綳
枝於初旦霜紅天於始夕彫芳卉之九衢實靈
茅之三脊風急峭道難秋至客衣單旣傷簷下

菊復悲池上蘭飄落逐風盡方知歲早寒流螢
暗明燭鴈聲斷纔續委絕長信宮蕪穢丹墀曲
霜奪莖上紫風銷葉中綠山變兮青薇水折兮
黃葦秋鴻兮踈引寒鳥兮聚飛徑荒寒草合桐
長舊巖岡一作草長荒徑微園庭漸蕪沒霜露日霑衣
願逐晨征鳥薄暮共西歸

霜來悲落桐

悲落桐落桐早霜露燕至葉未抽鴻來枝已素
本出龍門山長枝仰刺天上峰百丈絕下趾萬

尋懸幽根未蟠結
孤株復危絕
初不照光景
終年負霜雪
自顧無羽儀
不願生曲池
芬芳本自
乏華實
無所施
公子特留盼
王孫少見知
分取
孤生枿
徙置北堂陲
宿莖抽晚榦
新葉生故枝
故枝雖遼遠
新葉頗離離
春風一朝至
榮華坐
如斯
自惟良菲薄
君恩徒照灼
顧已非嘉樹
空用憑阿閣
願作清廟琴
爲君舞
玄鶴薜荔可爲
裳
文杏堪作梁
勿言草木賤
徒照君末光
末光
不徒照爲君
含噉眺

一作
陽柯

陽柯淥水絃陰枝苦

寒調厚德非所任敢不虛其心若逢陽春至吐
綠照清潯

夕行聞夜鶴

聞夜鶴夜鶴叫南池對此孤明月臨風振羽儀
伊吾人之菲薄無賦命之天爵抱跼促之短懷
隨冬春而哀樂愍海上之驚鳬傷雲間之離鶴
離鶴昔未離迴發天北垂忽遇疾風起暫下昆
明池復畏多冰合水宿非所宜欲棲不可住欲
去飛已疲勢逐疾風舉求溫向衡楚復值南飛

鴻參差其成侶海上多雲霧蒼茫失洲嶼自此
別故羣獨向瀟湘渚故羣不離散相依江海畔
夜止羽相切晝飛影相亂刷羽其浮沈湛澹泛
清潯既不經別離安知慕侶心九冬負霜雪六
翩飛不任且飡凌雲翅俛仰弄清音所望浮丘
子旦夕來相尋

晨征聽曉鴻

聽曉鴻曉鴻度將旦跨弱水之微瀾發成山之
遠岸怵春歸之未幾傷此歲之云半出海漲之

蒼茫入雲途之瀾漫無東西之可辨孰遐邇之
能算微昔見於洲渚赴秋期於江漢集勁風於
弱軀負重雪於輕翰寒溪可以飲荒臯可以竄
溪水徒自清微容豈足翫秋蓬飛兮未極塞草
寒兮無色吳山高兮高難度越水深兮深不可
測矣明月之馳光顧征禽之駛翼伊余馬之屢
懷知君行之未極

一作息

夜綿綿而難曉愁參差

而盈臆望山川悉無似唯星河猶可識孤鴈夜
南飛客淚夜沾衣春鴻旦暮返客子方未歸歲

去歡娛盡年來容貌衰

一作非

攬衽形雖是撫臆

事多違青綢雖長復易解白雲誠遠詎難依

解佩去朝市

去朝市朝市深

一作晨

歸幕辭北纓而南徂浮東

川而西顧逢天地之降祥值日月之重光伊吾

行之未已

一作伊當
仁之非薄

非余情之信芳充待詔於

金馬奉高宴於栢梁觀鬪獸於虎圈望窈窕於

披香游西園兮登銅雀攀青瑱兮眺重陽講金

華兮識宣室晝武帳兮夕文昌佩甘泉兮屣五

柞簷桺梢

音請

今散承光託後車兮侍華幄游渤

海兮泛清漳天道有盈缺寒暑遞炎涼一朝賡
玉琬眷眷惜餘香曲池無復處桂枝亦銷亡清
廟徒蕭蕭西陵久茫茫薄暮余多幸嘉運重來
昌叅稽郡之南尉興千里之光貴別北芒於濁
河戀橫橋於清渭望前軒之早桐對南階之初
卉唯余情之屢傷豈茲焉之能慰眷昔日兮懷
哉歲將暮兮歸去來

被褐守山東

沈隱侯集

卷五

守山東山東萬里鬱青葱兩溪共一瀉水潔望
如空岸側青莎被巖間丹桂叢上瞻旣隱軫下
睇亦溟濛遠林響咆獸近樹聒鳴蟲路帶若溪
右澗吐金華東萬仞倒危石百丈注懸淙掣曳
瀉流電奔飛似白虹洞井含清氣漏穴吐飛風
玉竇膏滴瀝石乳室空籠峭嶮塗彌險巖咀步
纔通余捨平生之所愛歛暮年之此逢欲一去
而不還悵鄒一作恨衣之未褫揖林壑之清曠事
氓俗之紛詭幸帝德之方升值天綱之未毀旣

除舊而就新故化民而俗徙播趙俗以南祖扇
齊風以東靡乳雉方可馴流蝗庶能弭清心矯
世濁儉政救民侈秩蒲撫白雲淹留事芝髓

沈隱侯集卷之六

梁吳興沈約休文著

明閩漳張燮紹和纂

詔

收天監元年恩詔

門下五精遙襲皇王所以受命四海樂推殷周
所以收物雖禪代相舛遭會異時而微明迭用
其流遠矣莫不振民育德光被黎元朕以寡闇
命不先後寧濟之功屬當期運乘此時來同心

萬物遂振厥弛維大造區夏永言前蹤義均慙
德齊氏以代終有徵曆數云改欽若前載集大
命於朕躬顧惟菲德辭不獲命寅畏上靈用膺
景業執禮柴之禮當與能之祚繼迹百王君臨
四海若涉大川罔知攸濟洪基初兆萬品權輿
思俾慶澤覃被率土可大赦天下改齊中興二
年爲天監元年賜民爵二級文武加位二等鰥
寡孤獨不能自存者人穀五斛逋布口錢宿債
勿復收其有犯鄉論清議賊汙滯盜一皆蕩條

洗除前注與之更始長從勅繫之身特比官原遣
亡官失爵禁錮奪勞一依舊典

南郊恩詔

陛下十日禮饗政道莫先厚下布澤哲王是務
仰祇靈眷俯臨億兆歲象廻環恭事亡及牲
玉必荐感敬備申升煙燎於穹昊致精誠於太
一思霑飄潤惠茲窮生應天監三年內犯奪勞
及左降可悉原降繼市職不冗人身及家口質
繫悉散還私家督備前歲三五犯譴因及隨曹
景宗授司州委叛應謫役者並量所蠲降尙書
所檢巧陳滛辭曾更開恩百日各聽自首不問

往罪京師三縣尤窮之民詳加賑恤主者速條
格施行

又

門下朕肅膺乾貺君臨率土雖日晏劬勞而仁
恕未洽星璫驟廻履端告始禋饗云備誠敬兼
申宣和布澤情深待旦凡內外文武可各賜勞
一年叛亡未擒若百日內自首還役不問往罪
女子質繫悉且散遣文書輕重坐罪並皆從原
主者詳爲條格疾速施行

又

朕昧爽夙興念茲理道而明不燭遠弘之未易
仰尋先烈思致升平自頃多故戎車代有軍政
國容事緒非一刑禮參用未致和臻向隅之情
永言增歎今郊禋載洽幽明允從思崇嘉祉被
之兆庶可大赦天下主者施行

立太子恩詔

朕屬當期運係迹前王思所以長世流祚垂之
萬葉百辟咸以元良之寄有國莫先自昔哲后
降及近代莫不立儲樹嫡守器承祧乃旁挹羣
議遠惟七百建茲蒙稚仰副宗祊承華肇開崇
基克永無疆之慶非獨在余思霑溼澤被之遐
邇可賜天下爲父後者爵一級王侯以下量錫
幣帛

又

門下朕夙纘璿祚君臨四方夕惕寅畏若寘淵
谷思所以光闡洪基克隆鼎命王公卿士咸以
爲樹元立嫡有邦所先守噐傳統於斯爲重是
用俾茲幼蒙體乾作貳永固宗祀以貞萬國元
良之寄非獨在余宜令嘉慶被之億兆可大赦
天下賜民爲父後者爵一級主者速施行

立內職部

刑于垂訓周文所以表德壺闈失序漢氏所以喪邦並被諸方冊式昭戒勸魏晉以來雖云簡薄而內職名號參差不同在宋太始位置繁冗遂設九品且擬外朝填委椒掖徵費無已自此相仍踵以成舊昭陽九華千門萬戶朕受命自天始基七百思所以立防自邇貽厥將來前代職品所宜因革外可詳議務令該允

使四方士民陳刑政詔

徑寸之寶或隱泥沙以人廢言君子斯戒朕聽
朝晏罷思開政術雖百辟卿士有懷必聞而蓄
響邊遐未臻魏闕或屈以貧陋或間以山川頓
足延首無因奏達豈所謂沈浮靡漏遠邇兼得
者哉四方士民若有欲陳言刑政益國利民淪
礙幽遠不能自通者各在條布所懷於刺史二
千石有可申採大小以聞

勸農訪民所疾苦詔

爲齊
章作

門下執和豐蹇則如懸比室乘機或惰則無賴
終年非怠非荒雖由王道不稂不莠實賴民和
頃歲多稼無爽遺秉如積而三登之美未臻萬
斯之基尚遠且風土異宜百民舛務刑章治緒
未必同源妨本害政事非一揆冕旒屬念無忘
夙興可嚴下州郡務滋耕殖相畝闢疇廣開地
利深樹國本克阜民天又詢訪獄市博聽謠俗
傷風損化各以條聞無使瘡痍之苦載興比屋

沈隱侯集

卷六

七

王者詳爲科格稱朕意焉

授隱逸詔

言尚其志義煥通爰山林不出訓光惇史朕聽
軫憂罷尚想幽人蒲玉之禮佇聞峻節可班下
嶠郡傳訊遠近若有道映丘園事浮高尚可以
弭競遷澆還風拯俗皆以名聞靡或遺漏朕將
闢衢室而寘几杖開東序而授袞職庶令江海
無遺異人必至

酬荆雍義士詔

昔義舉之初人懷自竭輸賦罄產同致厥誠言
念一槩思有所酬其雄荆郢三州有獻物助軍
國者外可詳加蠲

赦詔

爲齊帝詔

門下朕蕭纂乾統思弘祖業方欲克廣法猷寧
濟遐邇實賴群才共康世務至於股肱宗戚情
委特隆垂拱責成緝熙是寄而各包藏禍心規
縱醜逆朕每存容隱冀或能悛而靡懲前愆彌
結後釁七百業艱宗廟事重不得不垂涕行戮
以義斷恩或藩屬皇宗或睦姻近戚夫豈不懷
社稷故也雖四門已穆羣臣靡餘而泣辜之歎
義兼自昔方勵精思治登賢任官隆平之化庶

從茲始宜播嘉惠咸與維新可大赦天下自今
月二十日昧爽已前謀反大逆手殺人以下皆
赦除之頃歲軍旅繁興叛征者衆其質繫家屬
及同伍代役三署見徒詳所由原遣主者施行

又

門下王室多難襁烝相仍昔歲紛阻鋒交九達
今茲狂煽兵連萬雉時事屯厄罕有斯逆故今
迷疑互起向背者多元惡旣懸猜懼彌廣奔亡
草澤自反莫因近雖曲赦與之更始而愚昧之
徒猶多竄伏且遇寇未夷役連遐邇刑政弛張
陷罪非一思所以曠敷嘉惠被之億兆可大赦
天下凡與崔慧景協契同謀首爲奸逆爰及降
叛輸力盡勤良由世道交喪流源浸遠風槩靡

立以至如斯悉皆盪滌一無所問凡諸反側咸
與維新並加宣慰還復民伍國信之明皎如日
月榜勒畿要咸使聞知惟崔慧景諸子不在赦
例主者施行

立左降詔

刑乖政失其源已久罰罪之奏日聞於蚤朝弊
獄之書亟勞於晏寢免黜相係補代紛紜一離
讐囚乃永歲月非所以棄瑕錄用隨分盡才者
也是故減秩居官前代通則貶職左遷往朝繼
軌自今內外羣司有事者可開左降之科

降死罪詔

朕樹淇滎光宅區宇而本枝之慶未廣椒掖勝
衛之地猶闕藩屏言念弓韉不能忘懷策三子
始有盤石之資於焉彌固慶雖自己恩加覃及
凡死罪可降一等五歲刑降二等三歲刑以下
並悉原放

沈文季加侍中詔

爲齊帝作

門下散騎常侍尚書左僕射西豐縣開國侯新
除鎮軍將軍沈文季業宇流正鑑識超凡秉茲
恭恪誠著匪躬難起非慮密邇墉圻聲力盡勤
萬雉增固寵服攸加實爲朝典可侍中僕射新
除侯如故主者速施行

崔慧景加侍中詔

爲齊帝作

門下護軍將軍樂安縣開國子慧景志氣淹通
識履詳正誠烈款盡義簡朕心加榮近侍抑惟
朝序可加侍中子如故主者速施行

授蕭惠休右僕射詔

為齊帝作口

英華左僕誤

門下尚書萬事之本隆替是寄總司頓闕宜速
有人征虜將軍吳興太守建安縣開國子蕭惠
休才學淹通識裁詳允內著嘉庸外敷美政入
副朝端僉議斯在可守尚書右僕射餘如故主
者施行

授王亮左僕射詔

爲齊帝作

門下朝端任重刑政斯出自非民望時宗莫諧
茲舉通直散騎常侍吏部尙書領太子左衛率
王亮器識夷遠風鑒清奧贊務釐朝庶績惟允
宜崇名器以副具瞻可尙書左僕射主者速施
行

王亮王瑩加授詔

爲齊帝作

門下京輔華貲端副要重政育民經任切朝寄
尚書左僕射亮滌哲淵深道風清邈時棟民譽
僉望所歸中領軍南徐州大中正南鄉侯瑩德
宇夷曠鑑識凝遠協隆內外允諧逆徒從
愚躬衛時難氛祲旣澄並宜光贊緝熙穆茲景
化亮可侍中丹陽尹瑩可侍中尚書左僕射本
官中正侯並如故主者施行

沈隱侯集

卷六

十

臨川王子晉南康侯子恪遷授詔

爲齊帝作

門下侍中臨川王子晉志業清敏器尙夷通秘
書監右領軍南康縣開國侯子恪理識閑悟思
懷韻警宜出開朝政入侍帷幄子晉可左民尙
書子恪可侍中王侯並如故主者速施行

王茂加侍中詔

門下居中作衛號望清重任總儲宮朝難其選
望蔡縣開國公新除尚書右僕射茂器度淹弘
志局詳穩契濶艱夷情深恒寄顯命載加允副
僉屬可侍中衛將軍領太子詹事開國公如故
給鼓吹一部王者施行

資給何點詔

遠趣高情前王所貴義兼昔款倍用興懷徵士
何點居貞物表縱心塵外夷任之風率出自遠
往因素志頗申宴言眷彼子陵情兼惟舊昔仲
虞邁俗受俸漢朝安道逸志不辭晉祿此蓋前
代盛軌往賢所同可詳加資給並出所由契資
須太官別給旣人高曜卿故事同垣下

沈隱侯集卷之七

梁吳興沈約休文著

明閩漳張爕紹和纂

詔

封授臨川等五王詔

門下神州帝城冠冕列岳渚宮樊鄧形勝是歸
居中作衛翌宣戎重隆名寵號寔允舊章並非
親勿居惟賢斯授西中郎將護軍宏朕之介弟
早富德譽董一藩政緝是嘉庸國禮家情瞻寄

隆重使持節督南徐兗二州諸軍輔國將軍南
徐州刺史秀風穎雋邁識業標簡任居藩翰政
以化成使持節都督雍梁南北秦四州諸軍事
冠軍將軍寧蠻校尉雍州刺史偉體韻淹穆神
寓凝正經綸夷險參贊王業冠軍右衛將軍恢
神檢外洽淵量內湛奉職鈎陳周衛以穆使持
節督荆湘益寧南北秦七州諸軍事安西將軍
荆州刺史懽秀識冲情允文允武經啓王業寔
有厥勤並契淵綢繆分形並氣處家盡其匪躬

朕承運迭興光宅四海蒞維廣榘經朔攸屬出
納之宜望實惟允宏可使持節散騎常侍都督
揚南徐州諸軍事後將軍揚州刺史封臨川郡
王秀可進號征虜將軍餘官如故封安成郡王
偉可使持節散騎常侍都督雍梁荆寧南北秦
六州鄧州之竟陵司州之隨郡諸軍事寧蠻校
尉雍州刺史將軍如故封建安郡王恢可侍中
前將軍領石頭戍事領兵景佐封鄱陽郡王愷
可使持節都督荆湘益寧四州諸軍事平西將

沙陽集卷之十一
軍荊州刺史封始興郡王食邑各二千戶

劉領軍封侯詔

爲齊帝作

門下南國是式事景興周原鹿啓土義昭洪漢
領軍舅親德之重朝野式瞻在昔中興任推心
膺哀疚眇然未堪多難允賴徽猷嗣隆寶業及
釁起不虞咫尺宮禁內參嘉謨外宣戎畧密勿
勛勞誠力備盡宗社克固寔倚高謨無言不讐
無德不報况忠勲至戚義兼於此者乎宜錫圭
裂壤允副僉屬可封開國縣侯食邑二千戶主
者施行

王亮等封侯詔

爲齊
帝作

門下尚書左僕射亮中領軍南鄉侯南徐州大
中正瑩守吏部尚書志並時宗民秀徽望允集
協贊朝機彝倫是寄秉文經武任惟腹心方賴
嘉謨克弭時難宜疏爵建社與國同休亮瑩可
各封一千五百戶開國縣侯本官中正如故志
封千戶開國縣侯本官如故主者速施行

常僧景等封侯詔

爲齊帝作

門下廬陵王中兵參軍事宣閣將軍軍王新除
右軍常僧景車騎江夏王參軍事宣閣將軍新
除右軍中郎將薛元嗣安東廬陵王參軍事振
武將軍徐元稱假寧朔將軍廬陵王國侍郎延
明主帥殷係宗前軍將軍宣閣格虎隊主馬廣
或氣畧強果或志識貞濟或忘家奉國誠著夷
險方寄戎昭克清時難宜命爵啓土以獎厥勞
可封一千戶開國縣侯本官新除驅使悉如故

沈隱侯集

卷七

四

主者施行

封三舍人詔

爲齊
帝作

門下輔國將軍驍騎將軍南高平太守兼中書
通事舍人沈徽孚給事中驍騎將軍臨淮太守
兼中書通事舍人王咺之寧朔將軍南濮陽太
守兼中書通事舍人裴長穆並以素胄清才服
勤禁省契濶劬勞自頃多難軍國務殷內參帷
幄外濟師旅忠規欵志義感朕心宜錫茅社同
蒞賞冊可封三百戶開國縣伯本官郡驅使並
如故主者速施行

封申希祖詔

爲齊帝作

門下持節督司州諸軍事冠軍將軍司州刺史
申希祖志氣沉隱才畧開濟在昔多難任參心
膂爰及中興忠款彌著契濶艱虞盡其心力逮
僊儉侵斥武節颺騰殘寇外殄危城獨困休庸
茂績朕有嘉焉宜錫茅土以酬勤烈可封開國
伯食邑五百戶本官如故主者施行

封李居壬等

詔爲齊帝作

門下新除太子左衛率軍貞主李居壬志識開
敏器懷貞濟盡力禁門誠著夷險新除太子右
衛率軍主潮陽縣開國男胡松性業詳固才用
果烈新除都督青冀二州諸軍事寧朔將軍青
冀二州刺史栢和剛正欵率屢著勤効新除左
中將軍主鴻選氣質強果秉心壯宣並反旆南
轅以赴危難身先士卒翦此鯨鯢功勤碩茂宜
隆賞典居壬可封一千戶開國縣侯松可增封

爲七百戶和可封五百戶開國縣伯選可封三百戶開國縣男新除持節刺史將軍主男並如故王者施行

封徐世標詔

為齊帝作

門下驍騎將軍彭城令徐世標才畧貞濟志懷
義烈忠節內款勲勤外著禦侮折衝任惟心膺
頃姦慝潛煽危機驟殘夷凶弭難實有力焉宜
命賞疇庸錫茲土宇可封開國縣子食邑三百
戶

封左興盛等詔

爲齊帝作

門下逆豎王敬則縱兵內侮陵斥畿甸輔國將軍前軍將軍事左興盛直閤將軍劉山陽受律前驅焱勇爭路或衡至首旆或陷懸中麾元惡梟至氛梗載廓賞不踰時義弘前典可封開國男食邑二百并進位一階王者速施行

來

梁武帝踐祚與州郡勅

欽惟邃古爰及近代雖禪代異時而成功一揆
豈惟靜民寧亂實由符運總集故能啓業垂統
光宅區夏齊氏遘茲昏諛斯亡奄及民命蠢蠢
倒懸非喻朕大懼四海舟覆一象雲傾億兆與
崑岡並燎縉紳與藎崇共日永言悽悼發憤經
營椎鋒投袂電擊風掃藉上天之靈因熊羆之
用德未半古功侔前烈齊氏旣欽若虞夏高揖

萬邦兼以冥符先著樂推攸在幽顯宅心辭不
獲命猥以虛寡君臨萬國川壑之懷寤寐盈慮
方欲昧旦丕顯日昃忘勞思與賢能康濟世道
卿擁旄萬里共治是寄當求民瘼留念獄市威
斷以御強猾仁惠以撫貧孤使遠近幽深咸得
其所方虛位欽能懸爵佇効勿令漢代璽書獨
行於自古晉世班條靡用於茲日想加克勉副
其側席

與謝朓勅

吾以非德屬當期運鑒與吾言思隆治道而明
不遠燭所蔽者多實寄賢能匡其寡闇嘗謂山
林之志上所宜弘激貪厲薄義等爲政自居元
首臨對百司雖復執文經武各脩厥職羣才競
爽以致和美而鎮風靜俗變教論道自非箕穎
高人莫膺茲寄是用虛心側席屬想清塵不得
不屈茲獨徃同此濡足便望釋羅襲衣出野跡
朝必不以湯有慙德武未盡善不降其身不屈

其志使璧帛虛往蒲輪空歸傾首東路望兼立
表義軒邈矣古今殊事不獲總駕崆峒依風間
道今方復引領雲臺虛已宣室紆賢之愧載結
寢興

與何胤勅

吾猥當期運膺此樂推而顧已多蔽昧於治道
雖復劬勞日昃思致隆平而先王遺範尙蘊方
策息舉之用存乎其人兼以世道澆暮爭詐繁
起改俗遷風良有未易自非以儒雅弘朝高尙
軌物則汨流所至莫知其限治人之與治身獨
善之與兼濟得失去取爲用孰多吾雖不學頗
好博古尙想高塵每懷擊節今世務紛紜憂責
是當不得不屈道巖阿共成世美必望深達往

懷不吝濡足

制

授蔡法度廷尉制

門下民命所懸繫乎一尺止殺除殘寔由乎此
是以皋陶作士五刑惟明于張蒞官世無冤獄
且漢代律書出乎小杜吳雄以三世法家繼爲
理職郭恭以律學通明仍業司士爰及晉氏此
風未泯叔則元凱並各名家自茲厥後斯尙漸
薄迄至于今損棄頓盡衣冠士子耻復用心州
郡姦吏恣其取捨舞文弄法非止一塗朕膺天

受命爲兆民主每一念此忘寢與食尙書刪定
左曹郎中蔡法度少好律書明曉法令世之所
廢篤志不怠至於章句踳滯名程乖礙莫不斟酌
厥衷允得其門方欲寄以國刑開示後學拔
才取士豈有定方自世道澆流浮僞雲起量計
多少辯校錐刀若遵往從舊守而勿失豈所以
軌儀上世垂風于後宜加褒擢弗繫常階可守
廷尉卿主者施行

授王績蔡約王師制

爲齊帝作

門下冠軍將軍司徒左長史始平縣五等男績
華宗冠冑器質詳和都官尙書約清源素範體
業倫正訓茲蕃國僉議攸在績可隨郡王師加
散騎常侍男如茲約可零陵王師加給事中主
者速施行

疏

脩定樂書疏

竊以秦代滅學樂經殘亡至於漢武帝時河間獻王與毛生等共採周官及諸子言樂事者以作樂記其內史丞王定傳授常山王禹劉向校書得樂記二十三篇與禹不同向別錄有樂歌詩四篇趙氏雅琴七篇師氏雅琴八篇龍氏雅琴百六篇唯此而已晉中經簿無復樂書別錄所載已復亡逸按漢初典章滅絕諸儒拾溝

渠牆壁之間浮片簡遺文與禮事相關者卽編
次以爲禮記非皆聖人之言月令取呂氏春秋
中庸表記緇衣皆取子思子樂記取公孫尼子
檀弓殘雜又非方幅典誥之書也禮記是行已
經邦之功故前儒不得不裒綴以備事用樂書
事大而用緩自非逢欽明之主制作之君不見
詳議漢氏以來主非欽明樂旣非人臣急事故
言之者寡陛下以至聖之德應樂推之符實宜
作樂崇惠殷薦上帝而樂書淪亡尋案無所宜

選諸生分令尋討經史百家凡樂事無大小皆
別纂錄仍委一舊學撰爲樂書以起千載絕文
定大梁之樂使五英懷慙六莖興愧

梁武帝問群臣音樂詔附

夫聲音之道與政通矣所以移風易俗明貴
下賤而韶濩之稱空傳咸英之實靡記漢魏
以來陵替滋甚遂使雅鄭混淆鐘石斯謬天
人缺九變之節朝宴失四懸之儀歷年永久
將墮於地朕昧爽坐朝思求厥旨而舊章匪

存未獲釐正寤寐有懷所爲歎息卿學術通
明可陳所見

論譜籍疏

晉咸和初蘇峻作亂文籍無遺後起咸和二年以至于宋所書並皆詳實並在下省左戶曹前廂謂之晉籍有東西二庫此籍既並精詳寔可寶惜位宦高卑皆可依案宋元嘉二十七年始以七條徵發既立此科人姦互起僞狀巧籍歲月滋廣以至于齊患其不實於是東堂校籍置郎令史以掌之競行姦貨以新換故昨日卑細今日便成士流凡此姦巧並出愚下不辨年號

不識官階或注隆安在元興之後或以義熙在
寧康之前此時無此府此時無此國元興唯有
三年而猥稱四五詔書甲子不與長歷相應校
籍諸郎亦所不覺不才令史固自忘言臣謂宋
齊二代士庶不分雜役減闕職由於此竊以晉
籍所餘宜加寶愛

議乘輿升殿疏

正會儀注御出乘輿至太極殿前納馬升階尋
路寢之設本是人君居處不容自敬宮室案漢
氏則乘小車升殿請自今元正及大公事御宜
乘小輿至太極階仍乘版輿升殿